

Falta algun ora mas p'e grandioso Conferencia CreActivo 2024 tuma luga



FALTA algun ora solamente pa Aruba por experiencia su prome conferencia cultural y creativo! *CreActivo Conference 2024* ta bay tuma luga dia 8 y 9 di october 2024, na Renaissance Convention Center! CreActivo 2024 t'e conferencia caminda abo artista, ser creativo, visionario y lider por conecta y wordo inspira door di personanan dinamico y briyante den nos Industrianan Cultural y Creativo.

Kico ta bay pasa durante e Conferencia?

Durante dos dia lo bay tin un variedad di actividad-, sesion- y tambe presentacion di diferente oradornan internacional y tambe local:

- **Dia Uno:** T'e dia pa wordo inspira door di nos oradornan manera Ronella Croes, Clara Reyes, John Howkins y tambe experiencia e storia y exito di nos artista y sernan creativo local.
- **Dia Dos:** Nos lo "blow your mind" cu oradornan manera John King, Felipe Buitrago Restrepo y diferente otro oradornan local. Topiconan poderoso lo wordo trata y dialoga.

Un tiki di nos oradornan internacional:

John Howkins, cu ta wordo considera como e "*tata di e economia creativo*", ta un lider strategico den e area di creatividad y innovacion. Reconoci pa su bukinan influen-

cial: "*The Creative Economy*" (2001), "*Creative Ecologies*" (2006) y "*Invisible Work*" (2020). Su experticio ta enfoca ariba exploracion di nos futuro di trabounan laboral y AI of Inteligencia Artifical, caminda el a comparti su experticio y conocimiento cu mas di 30 pais mundialmente, entre otro na Inglatera, Australia, Sur Korea, Brazil, China, Singapore, Merca y mas. Cu un carera cu ta inclui publicacionnan, TV, film, y media digital, Howkins tin un rol importante den medianan manera HBO, Time Warner y otro companianan di media entre otro CREATEC, Tornado y BOP Consulting.

Felipe Buitrago Restrepo, un lider experto den e sector di Cultura y Economia Creativo y Information & Communications Technology, cu mas di 22 aña di experiencia. Como ex-Minister di Cultura di Colombia bao di ex-Presidente Iván Duque, e tin un rol crucial den maneho publico. Buitrago tambe t'e co-autor di "*The Orange Economy: An Infinite Opportunity*" y "*Orange Economy: An Infinite Reality*" hunto cu ex-Presidente Iván Duque. Tambe el a colabora den "*The No Collar Economy*" hunto cu Sam George. Su trabounan extensivo den investigacionnan y maneho publico pa cu Cultura, Creatividad y Innovacion ta sumamente importante pa economia creativo den su totalidad.

John King, t'e Minister di Economia Creativo,



Cultura y Deporte na Barbados desde año 2018 bao di Prome Minister Mia Mottley. Su liderazgo y maneho a hunga un rol fundamental den e avance di e Industria Creativo di su pais, integrando arte, cultura y deporte den e economia nacional. King a realisa iniciativanan manera Crop Over y a demostra su sosten valioso na artista y sernan creativo local cu entre otro subsidio y a fortifica e identidad cultural di Barbados, posicionando e pais como un lider den economia cultural y creativo, pues e “*Orange Economy*”.

Clara Reyes, ta directora di e Departamento di Cultura di Ministerio di Educacion, Cultura, Hoben y Deporte na St. Maarten. Como un defensor prominente di cultura, artista, y educador, Reyes ta dedica na perserva cultura di Caribe cu su trabou den danza, teatro, y herencia cultural. Como co-fundador y Director di e National Institute of Arts (NIA), e tin un rol crucial den e formacion di e panorama cultural den nos region Caribe y ta aporta n’e sosten di tur artista caribense.

Elton Villarreal, ta un trainer internacional nativo di Corsou, conoci pa su experticio den “*leadership development*” y tambe educacion experencial. Den su carera e ta train personanan individual y organisacionnan grandi globalmente na paisnan manera Bolivia te cu Hapon. Villarreal ta reconoci mundialmente pa su trabounan den dialogo democratico y resolucion di conflicto. Villarreal ta un facilitado y mentor pa hoben-, artista-, ser- creativo y lidernan den comunidad y su meta ta pa sigui engrandece cada persona su habilidad y confiansa den su mes a traves di workshops y coaching.

Nos oradornan local:

Esnan cu lo presenta y contribui cu nan ideanan y motivacion p’e desaroyo di nos Industrianan Cultural y Creativo ta entre otro, Arthur Loefstok y Edjean Semeleer di Fundacion Go Cultura cu lo pone enfasis riba e importancia y potencial di formalisa y desaroya e industrianan aki pa Aruba. Tambe Ronella Croes y Derchlien Dijkhoff di Aruba Tourism Authority cu lo splica dicon e ta esencial p’e Industria di Turismo asisti y apoya den desaroyo di un industria nobo y cu hopi potencial pa nos isla.

Otro bosnan local lo ta Mary-Ann Falconi Rasmijn di Impact Hub, cu lo enfoca riba e balor di data y evidencia pa crea strategia di desaroyo, empoderamento y transformacion danki n’e industrianan aki. Daniel Tecklenborg di CEDE Aruba lo enfoca riba e potencial di e industrianan aki pa transformacion social. Cherryldine Buckley di SMAC lo enfoca riba e impacto di nos carnaval. Tambe varios ser creativo exitoso lo ricibi un spotlight y hopi mas!

Cumpra bo ticket!

Ticket ta disponibel via nos website gocultura.org/CreActivo.



CREATIVO CONFERENCE 2024

by 

OCTOBER 8TH & 9TH, 2024
Renaissance Convention Center, Aruba



Information



Buy tickets

Join us for two days of inspiration, innovation, and connection with the brightest minds in the creative world. Be part of Aruba's first-ever creative conference and help shape the future of our Cultural and Creative Industries.

DAY 1 Highlights

- Opening Remarks by Go Cultura Foundation:** Shaping the future of the CCIs in Aruba
- Aruba Tourism Authority (ATA):** Exploring ATA's pivotal role in supporting Cultural and Creative Industries
- Clara Reyes on Culture & Education:** The powerful connection between culture, education, and creative expression
- Education & CCIs:** Bridging the gap between learning and innovation in the creative sector
- John Howkins:** A global perspective on the creative economy and its transformative power
- Creative Showdown:** Local talent takes the spotlight in a showcase of Aruba's brightest creatives throughout the day



Head of the Department of Culture, Ministry of Education, Culture, Youth and Sport of St. Maarten
Clara Reyes



Global strategist and adviser on creative economies
John Howkins



CREATIVO CONFERENCE 2024

by 

OCTOBER 8TH & 9TH, 2024
Renaissance Convention Center, Aruba



Information



Buy tickets



Senator John King, Former Minister of The Creative Economy, Culture and Sport of Barbados
John King



Author, Economist, Strategist, former Minister of Culture of Colombia
Felipe Buitrago Restrepo

Un 1-day-pass cu ta inclui desayuno, lunch y refreshments durante henter e conferencia, ta costa \$100 pa persona, un two-day pass ta costa \$175. Tambe nos ta ofrece digital-pass pa por tin acceso n’e transmision en bibo cu ta costa \$65 pa cada dia.

Fundacion Go Cultura ta gradici nos partnernan Aruba Tourism Authority, AHATA, Setar NV, Departamento di Cultura Aruba, CEDE Aruba, Aruba Airport Authority, Ministerio di Asuntonan Economico, Comunicacion y Desaroyo Sostenibel, Ministerio di Transporte, Integridad, Naturalesa y Asunto di Adultonan Mayor, Minister di Cultura y nos “one and only” Ronchi de Cuba pa sostene e gran evento pa asina sigui engrandece nos Industrianan Cultural y Creativo.

Pa mas informacion, contacta Fundacion Go Cultura na +297-5649525, via e-mail na info@gocultura.org of bishita gocultura.org. Join nos n’e Conferencia CreActivo 2024 pa un experiencia inolvidabel di creatividad y conexion global!

Fundacion Go Cultura

Tel: +297-5649525, E-mail: info@gocultura.org, Website: gocultura.org